

Na osnovu člana 72. Zakona o javnim nabavkama („Službeni glasnik BiH“, broj: 39/14), a u skladu sa provedenim direktnim sporazumom za nabavku usluge monitoringa sistema tehničke zaštite i intervencije na znak alarma,

potpisuje se sljedeći:

U G O V O R

o nabavci usluge monitoringa sistema tehničke zaštite i intervencije na znak alarma

između:

1. Bosna i Hercegovina, Ministarstvo vanjske trgovine i ekonomskih odnosa BiH, Sarajevo, Musala 9, ID broj: 4200071920007, koje zastupa g-din Mirko Šarović, ministar (u daljem tekstu: Naručilac usluge) i
2. UNILAB d.o.o. Sarajevo, ul. Drinska br. 70, Sarajevo ID broj 4200054160007, koga zastupa g-din Hazim Šahbaz, direktor (u daljem tekstu: Vršilac usluge).

Član 1. (Predmet)

- (1) Predmet ovog ugovora je nabavka usluge monitoringa sistema tehničke zaštite i intervencije na znak alarma, a u skladu sa ponudom broj AM-1309-2/19 od 16.09.2019. godine, koja je sastavni dio ovog Ugovora.
- (2) Usluga će se realizirati shodno instrukcijama Ministarstva sigurnosti BiH i odredbama Zakona o zaštiti tajnih podataka („Službeni glasnik BiH“ broj 54/05 i 12/09), uz obavezu Vršioca usluge da priloži industrijsku sigurnosnu dozvolu kao sastavni dio ovog ugovora.
- (3) Usluga obuhvata sljedeće: 24-satnu konekciju i centralni nadzor postojećeg alarmnog i vatrodojavnog sigurnosnog sistema, iznajmljivanje GPRS modema i SIM kartice, izradu elaborata zaštite, angažman mobilne intervencije na licu mjesta po dojavu aktiviranja alarma, u slučajevima vanrednih okolnosti i aktiviranja alarma na objektu u toku ili nakon radnog vremena kao i drugih složenosti prilika i stanja. Istovremeno bi Vršilac usluge obavještavao policiju, vatrogasce ili hitnu pomoć te ovlašteno osoblje Naručioca usluge, shodno Zakonu o agencijama za zaštitu ljudi i imovine („Službene novine F BiH“ br. 78/08 i 67/13) i podzakonskim aktima koji regulišu ovu oblast.

Član 2. (Vrijednost ugovora, način i rok plaćanja)

- (1) Ukupna vrijednost ugovora iznosi 5.616,00 KM (sa PDV-om).
- (2) Naručilac usluge će izvršenu uslugu platiti u roku od petnaest dana, po ispostavljenoj fakturi.

Član 3. (Rješavanje sporova)

Sve eventualne sporove proistekle iz ovog ugovora, ugovorne strane će rješavati sporazumno, a ako sporazum ne bude postignut, nadležan je Sud Bosne i Hercegovine u Sarajevu.

Član 4.
(Završne odredbe)

- (1) Ugovor je punovažan i proizvodi pravno dejstvo danom potpisivanja obje Ugovorne strane. Ugovor se potpisuje na period od jedne godine.
- (2) Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Naručilac usluge:

Mirko Šarović, ministar

Broj: 11-03-10204053/19

Datum: 18.11.2019.

Vršilac usluge:

Hazim Šahbaz, direktor

Broj: AM-1000-1/19

Datum: 19.11.2019

